

皇明經世文編

皇明經世文編卷之一百八十九

華亭

李 雯舒章 宋徵璧尚木

編輯

徐孚遠闇公 陳子龍臥子

周 鑣仲馭叅閱

唐漁石集

疏

唐 龍

大虜住套乞請處補正數糧艸以濟緊急支用

疏 補發糧銀

臣爲照榆林一鎮額設官軍二萬八千七百六十七

員名、騎征馬一萬五千五十四匹、歲派陝西夏秋民屯糧共三十二萬六千八百三石七斗五升、馬料三萬八千六百六十八石、馬艸五十九萬四千三百八十六束、此歲額之常也。弘治十四年間、又於數外召募軍士、今見在七千五百七十一名、抽選餘丁作軍、見在二千一百三十三名、共計九千七百四十四名、歲該糧一十一萬六千四百四十八石、該銀一十一萬六千四百四十八兩、俱未派補、每年俱於前歲額糧內牽扯支給、實每歲少銀一十一萬六千四百四十八兩、弘

治十六年、又將西安延安慶陽三府前數額糧內七萬四千三百一十五石六斗、奏准拋荒、每石折銀三錢五分、以一石一兩計支、每石少銀六錢五分、則歲額內又少銀四萬八千三百五兩一錢四分、并艸價一千九百七十二兩二錢、連前未派糧數共少銀一十六萬六千七百二十五兩三錢四分、兼以榆林鎮城百餘里之內、一望沙漠、不生五穀、先年軍人俱出邊外耕種、又遇天年豐收、故米粟之多、每銀一兩、可糴二三石、自弘治十四年、大虜占套、民廢耕種、粟米

今開套中頗空而國家

之力又無暇及此坐失事机良足惜耳

艸料等項俱仰給腹裏搬運銀一錢遇熟糴米八九升不熟僅糴五六升熟時實少不熟時實多且本處既不產本色西安等府原額糧數該徵本色者中又改作折色是以軍士月支糧一石止支本色三斗或二斗折色七斗八斗本色一斗值銀一錢五分六分折色一斗止銀七分兩斗不穀一斗欲軍之不窮不可得已卽今諸邊惟是延綏軍士忠勇敢鬪而邊疆之所恃與虜寇之所畏其亦在此爾臣因征勦北虜駐劄木鎮日久每驗各軍真有一當十十當百之勇

但貧困無極之軍、衣無完褐、室無完堵、每日止食粥湯三四碗、若得一飯以宿飽者、則矜以爲難、夫平日有生之樂、則臨敵益可以責其有死之心、況飢餓甚、則氣體羸瘠、損多則行伍缺、此不可不加之念者也。故該巡撫都御史于桂乞請太倉發銀一十六萬六千七百二十五兩三錢四分、以補足前未派、及減徵之數、蓋身當其責、目擊其難、誠爲邊防至計也。臣又爲補給前項銀兩固貴如額、尤在及時、必及秋收之時與之、則銀一兩許可糴粟米一石上下。一兩可克。

一兩之用。若一過時。則一兩僅羅五六斗而已。一兩不穀六七錢之用。此尤不可不加之念者也。伏望

皇上特敕戶部將巡撫都御史于桂所奏前項事宜速爲查議。奏請支動太倉銀一十六萬六千七百二十五兩三錢四分。及今秋收時。月差官解赴都御史于桂處交割。分發東中西三路管糧副使僉事等官查照時估。收買乾潔粟米上倉。以備軍士下月糧。兼搭折色中半支。其本官所奏陝西歲額夏秋二糧量徵本色。與委布按二司官一員督理事理。俱係戶部

題准事例亦乞申明施行則軍士不致窮乏邊備不至廢弛矣

供億艱苦乞早議處客兵疏

議撤榆林客兵

臣聞設兵將以衛民安內斯可據外竊照虜酋擁衆到於榆林等堡地方攻燒墩臺殺擄守堡官軍勢稱猖獗境用繹騷特厯禁旅徂征大張撻伐之武援兵會集共成犄角之師所以爲邊方計者至矣盡矣夫軍馬所集芻糧隨之榆林地本沙漠多係不毛歲復凶荒連遭大歉前項芻糧本處糴買旣盡委境般運

皇明經世編

唐漁不集
卷之一

謀撤榆
林客兵 四

平露堂

亦竭以艸言之、一束重一十六斤、估銀一錢五分、榆
林鎮城止有艸二萬餘束、僅敷京軍六七日支用、六
七日之外、則何如也、該督餉侍郎張瓚行委員外郎
袁淮主事楊銳、及該管糧副使張大用、僉事張邦教
分巡副使陸杰、分守叅議魏綸等、分下招易之令、尚
無報賣之家、督催之人、道路絡繹、包運之費、閭閻嗷
嗷、以前客兵多是那借主兵糧料、艸束支給主兵權
閔折色銀兩、誠不得已而然也、夫對敵殺賊、全恃主
兵、若將本色糧料那給客兵、今日東去買糧、明日西

專練主兵以省客兵此足餉安邊之急務世唐時

去買艸，是以有賠累之苦矣。安望其出死力奮戰功

故經申轉而邊情不行不審何故

耶。近該遊擊將軍梁震等仰仗天威，斬獲首級十

五顆，奪獲達馬夷器不等。彼虜驕鋒少挫，桀氣寢消。然賊騎雖離境上，而營帳猶住套中，是固有叵測之勢矣。但深入宜在秋高，遠遁必視河凍。若將各處客兵停勒在鎮，直待冬月彼虜過河，方行班師，自此猶有五六月之期。地方豈堪百數萬之費。竊恐疲衆糜財，賊未勦而我先坐困矣。再照京營官軍與諸邊軍不同，但當遠布威靈，不可輕犯鋒鏑。卽今中堅旣馭

先聲已揚是亦足矣。若復曠日持久淹留荒徼雖爲攘外安內之謀將失居重馭輕之體。況今邊地水土不習人馬氣蒸疾病易生尤有可慮者。及照查宣府頗聞有警其地且遠某調部下遊兵亦宜量移得候徵調大同原屬相援其地且近趙綱部下遊兵則應仍留協同防守臣審度機宜酌量事勢似當如此爾。故該地方守巡管糧副使等官陸杰張大用魏綸張邦教等呈將宜大寧固陝西人馬等分布隣境京營人馬早賜掣回實愛軍餉之需難繼地方之業易生

故爾各官又稱專責鎮正奇遊兵與招集勇敢相繼。戰守務出萬全。漸次區畫本色。重恤主戍。此又知本之論。防禦之至計也。伏望 皇上特敕兵部。仍會同各衙門。將副使等官會呈緣由。及臣詳處事理。本於事機。叅以廷議。通行奏請。早賜施行。

立邊防以禦虜患以保地方疏

修邊

臣惟難禦者虜患。難知者邊事。臣先任陝西提學副使。五年有餘。聞諸邊人。皆云禦虜先要修邊。及見經略之臣。亦多以修邊爲務。竊疑至計。或不在此。而今

謬司邊務四年有餘。每見無堅好邊牆去處。虜輒易犯。兵亦難禦。其地耕稼不興。孳牧不蕃。居人蕭條。行路者輒被撲捉。至於有堅好邊牆去處。虜之入也。旣懼我兵。過其衝而出也。又懼我兵擊其尾。是以不敢輕犯。卽有犯時。兵馬驅逐。亦隨散矣。故其地稼穡布馬牛。馬蕃焉。居人頗可度日。行路者亦鮮遭虜。此不修邊與修邊之明驗也。正如花馬池至定邊營八十餘里。乃通年虜入涼固涇靜要路。每至秋高。則百騎千騎。往來飄忽。人莫寧居。近該前總制尚書王瓊與

臣先後將一帶邊牆修築完固。賊之犯時遂少。聲息之區。漸爲樂上。嘉靖十三年七月內。虜十萬突至花馬池牆下。官軍倚牆雜用軍器。火藥擊射。虜衆被傷。遂不入。乃由定邊營馬跑泉牆盡去。處地名乾溝。以入安會搶掠。蓋花馬池有牆。故入之難。乾溝無牆。故入之易。爾又有乾溝迤東舊安邊。及迤南新安邊。永濟石澇新興三山等營堡。俱在新牆之外。雖沿邊畧有舊牆。旣低且薄。可跨而入。爾以故賊往往到於舊安邊近地。住牧據爲巢穴。不惟新安邊等堡可危。而

附近環慶地方亦不能安。尤所當深慮者也。爲今之計。必須自乾溝定南入墩。至石滂池堡。寧朔墩一十七里。無牆去處。築高厚新牆。以杜乾溝深入之路。則安會及涼固涇靜地方。庶少侵軼。又於寧朔墩至永濟堡地名昌平墩九十餘里。俱倚舊牆幫築高厚。以衛舊安邊孤懸之勢。則新安邊永濟石滂新興三山等營堡俱有保障。環慶等處亦免驚虞。計若無善於此者矣。如其此牆不築。則乾溝不塞。舊安邊難保。乾溝不塞。則安會涼固涇靜等處之患。固未歇也。舊安

邊難保則新安邊永濟石潞新興三山等堡皆在岌
岌之中而環慶走馬槐安一帶亦所蹂躪之地矣地
方利害之大者實在於此夫修邊則勞費並起豈不
知之邊牆之勢可行于陝西而不可行于宣大沿
地勢之不同不可相律也但修邊與調軍防守勞費一而已修
邊雖勞費於一時邊既修完遇虜大舉則調兵防守

若零騎出沒惟責成該地方叅將守備人馬自足禦
之可免調兵之累節縮休養亦有在焉若不修邊則
無分大舉零騎俱合調兵防守矣其所勞費不既多
乎正如今春虜賊移營舊安邊近地住牧以窺乾溝

先調副總兵梁震下奇兵三千、繼又調遊擊吳瑛下
遊兵三千、前來防守、已經數月餘、每一人一馬、每日
費口糧一升五合、料三升、艸一束、積六千人馬、則每
日費糧九十石、料一百八十石、艸六千束、總其勞費、
殆穀築墻三之一矣、一勞者永逸、忽遠慮則貽近憂、
豈敢不言乎、乞敕兵部從長計議、如果臣言有益邊
防、卽行延綏巡撫都御史總兵官督同管糧僉事分
守叅將守備等官、俱親詣前地方揆度地形、經畫封
守、合用錢糧、具疏請官銀、合用人夫、查照副使張大

用修定邊營牆舊規酌加僉派先將乾溝定南入墩起至寧朔墩一十七里加築新牆次及寧朔墩至昌平一帶俱倚舊牆幫築俱要高厚以立兩路之防以峻四夷之守則腹裏邊境營堡俱可免於虜患矣

議江西軍功疏

擒宸濠諸臣

臣聞賞罰者人主御天下之柄也故明主慎之有功必賞有罪必誅至親不可移至讐不可奪今或飾譽援黨者則崇階顯擢忠勤盡職者則深排巧詆孰肯身任國家事哉切見宸濠構患宗社懾憂腹心應援

布滿中外兩京乏備四路無人方鎮遠近莫之如何
握兵觀望滔滔皆是惟鎮守南贛都御史王守仁領
敕福建道經南昌中途聞變指心籲天赤身孤走設
奇運謀乃遣優人齎諜假與天兵約征方鎮會戰俾
其邀獲以示有備此謠言之所起也牽疑大賊以俟四路設備中執叛
臣家屬繆托腹心又示無爲以安其心然後激衆以

義糾集烏合之衆及兵成慮審發書罵賊使其覺悔
既出蹕兵收復南昌按甲待之賊至安慶攻城方銳
驚聞便還算其歸途水路邀擊大潰賊衆遂擒宸濠

于樵舍。兵法有先勝而後求戰者。正此謂也。成功之
後。瘡痍未復。聖駕南巡。奸權攘功。嫉譖百端。僅獲
身免。守仁爲國可謂艱貞竭盡者矣。使時無守仁。安
慶卒破。金陵不保。長驅北上。應援蜂起。雖天命有在。
終必殲夷。曠日持久。戮辱荼毒。可勝言哉。今受責地
方者。遇事不敢擔當。不過告命待變而已。況守仁家
浙。乃江右通衢。兵力素弱。長驅或下。父兄宗族有噍
類乎。守仁於此。但知忘私奉公。以爲社稷。又於先年
劉瑾爲奸。人莫敢犯。守仁抗言觸忤。杖死復甦。流竄

瘴裔久方赦還始獲錄用乃者南贛之鎮谿谷兇民衆黨爲盜閩廣山澤無非賊巢犬小有司束手無策守仁鎮守未及三年兵威武備奇變如神以故茶寮桶崗諸寨大冒涸頭諸山次第擒滅增縣置邏立教明約遂爲治境視古名將何以過此曩得奉命陞賞言者又謂不當來京致有所費切觀大官之厯日用無紀較一餐所費幾何猶煩論之北京豈無一職必欲置之南京此乃蔽賢嫉功之所爲也及守仁丁憂服闋遂不起用顧猶造言排論鐵券未及祿米未頒

國事無與跡比樵漁豈非過哉不獨守仁凡其勤王
大小臣工亦且廢黜殆盡彼時領兵知府惟伍文定
得陞副都御史得廢一子千戶邢珣徐璉得陞布政
亦有何過卽令閒住戴德孺雖陞布政卽死于水皆
無廢子副使陳槐因勸進賢讐人希意誣黜爲民御
史伍希孺謝源輒以考察去官且陳槐邢珣等皆抱
用世之才秉捐軀之義因功廢黜深可太息他日無
事則可萬一有事將誰効用哉今侍郎張聰桂萼皆
薦之曾蒙簡用爲兩廣總制臣謂總制一方何若用

之廟堂可以贊襄謀議轉移人心大濟天下將陳槐
邢珣徐璉等起用伍希孺謝源等查酌軍功事例謹
錄戴德孺量與廕襲此實 陛下奉天所操之大柄
不可毫髮移奪者宜早收之以爲使人宜忠効勞之
勑

饋運糧儲疏

漕務

臣以休息軍士實今日急務選用把總尤漕運要宜
哀集衆聞叅合三事 一曰立團造竊以湖廣都司
所屬武昌等一十一衛所原額設淺船一千一十二

隻係杉木者十年一造。每隻連底價銀一百三兩。楠木者七年一造。每隻連底價銀九十一兩五錢。松木者五年一造。每隻連底價銀一十三兩九錢一分。以十年爲率。軍三分。民七分。每年照數出辦。民料解布政司。軍料解都司。各收貯。民料派于該省州縣。猶易解納。軍料仍派前十一衛所。各扣運軍月糧抵數。然運軍窮年勞苦。又取月糧爲造船之用。是并其食而奪之。無怪乎逃亡相繼也。及其造船。則又團造無廠。管攝無官。止憑旗軍領出料銀。星散成造。侵欺尅

減之弊紛然而起。油少釘稀。木脆板薄。造不如法式。運不及年限。其弊有不可勝數者矣。查得江北等五總造船。皆出杭州蕪湖二處。抽分料銀。委清江廠主事監造。其湖廣荊州抽分銀兩。先年亦本爲造船而設者也。可以克用。又有工部主事一員。在彼可以帶管。及查湖廣所產楠木居多。若將前項俱作楠木。七年一造。以一千一十二隻分爲七年。每年實造一百四十四隻。五分有奇。每隻用銀九十兩五錢。歲共用銀一萬三千七十七兩有奇。是又爲畫一之道也。合

乞自嘉靖九年爲始查照清江浦事例於荊州水次
總設一廠將前武昌等一十一衛所淺船俱移在彼
就用抽分銀兩仍照清江浦事例於十一衛所各選
千百戶一員管造坐委荊州抽分主事帶管監督其
原派軍三民七料價悉從除豁免其辦納永爲定規
則軍民旣蒙休養之澤而運船尤有歸一漕務得以
振舉矣。二曰慎舉用天下之事履而後知中人之
情有慕斯勸自古則然查得永樂宣德成化間運糧
把總有缺皆于各衛運糧指揮內推舉老成無過熟

知運事者推用。蓋運總領兌年深推爲把總。則若利若弊。可行不可行。與錢糧之盈縮。運士之苦樂。河道之險易。無一不知。其爲之斯易矣。况把總以都指揮行事。歷陞掌印掛印坐營坐府皆可及焉。有運總之才者。方得爲之。則人人思奮。踴躍而取之矣。當時運事修舉。卓有成效。用此道也。正德間劉瑾用事。各把總官不由運總推舉。多用生疎之人。旣憐于事體。又忽乎軍情。敗者多矣。自此運總亦弛然懈怠。而略其前進之心。漕政日費。又何怪焉。正德十二年漕運都

近者十三總之苛繁運亦苦之至有棄去後以信
御史張縉具題把總官有缺仍於衛總內熟知運事

衛者

者推補題奉欽依推用其爲軍國之計至矣伏乞照
依成例簡用則把總得練達之才事不至敗運總遇
鼓舞之術人各知勸矣 三曰嚴事例竊惟輕齎乃
正糧腳價之需行糧尤運軍食用之物舊例必須隨
糧而兌隨軍而行隨船而進所以杜奸弊戒不虞濟
近有預防旗甲之穴糧先扣二項以
軍士之急也奈何近年輕齎之法廢而坐候之弊生
待完納者故軍士愈貧不得不侵盜于正糧之中
非惟有違交納抑且別至侵欺至于盜賊窺伺之虞
及賠價既完向之所扣者竟不發發縱有發者必
尤大有可慮者矣其行糧一節南京江西等司府俱

頃大力者爲居則此二項又大半帶指要之私

隨正糧兌與官軍各得濟用惟南直隸浙江司府十

素矣余熟習運弁甚言其苦未嘗不爲之太息

數年來分撥多非近倉催徵又違原限故軍士有卒

弗獲升斗之用者因而竊取耗米盜食正糧交納虧

折掛籌借債實由于斯乞令戶部申明事例將各輕

齎銀兩同正糧派徵并行直隸蘇松等府及浙江布

政司以後年分行糧俱分撥附近倉分候各運船到

日正糧輕齎一時兌足行糧亦卽給領俱限同軍士

交割在船輕齎公同看守行糧隨便食用過淮之日

臣等查驗不許仍似往年遲悞以致先後相失緩急

難濟則交納以時。盜賊不足虞。而軍士得沾實惠。盜米借債之患。亦可除矣。

序

呂梁洪志序

呂梁洪

序曰。呂梁洪。曷志之。名山大川。綱紀四方。昭靈紀異。咸俟君子。况漕之水道者哉。是故司馬氏作河渠書。九川九澤。三江五湖。罔或遐遺。惟漕故也。國家定賦。歲漕米四百萬石。白粳粳糯一十八萬石。繇江入湖。入河。直達于京師。水道凡數千里。曰難曰險。未有甚。

於洪者也。予方有事于漕，率衣踏階，升梁而眺焉。夫洪多鉅石，脰暉巖萼，長如蛟蜃，伏如虎豹，糾錯如置碁，盤旋如輪轂，廉稜如踞牙，如劒戟，前代開鑿，斲而爲渠，洩泗衍溢，沁汴滲淫，黃河瀾汗，合而漭之。石之所激，奮躍鼓盪，雷訇而阜涌，懸水四十仞，環流九十里，魚鱉不能過，黿鼉不敢居。漕萬三千艘，胥于是乎進，每一艘合數艘之卒，夾洪夫挽之，弊肩傷臆，躄足揮汗，咸畢力以赴。然緣崖躡級，蟻行蝸引，得寸而寸焉，得尺而尺焉。一弗戒，則飄忽瞬迅，猶夫駟馬脫銜。

非窮日之力。自汴河落馬關而人不深其險不可回也。是爲天下之至難也。天下之
也事惟難思戒。惟易忽之。斯志行經國者。知漕之難乎。
則官不置冗費。必汰浮。兵定以制。役止不急。粟無耗
蠹。廩有備焉。受祿者。知漕之難乎。則祿以養賢。吾思
吾賢。食以食功。吾圖吾功。敬事之臣。日廣素餐之風
熄矣。是故考迹以明規。因文而廣喻。志之大也。夫曰
勒一家之宏圖。揭今昔之勝槩。抑末矣。君子猶曰弗
志焉。

記

固原兵備題名記

固原兵備

固原城壕大塹連山峻極四塞之接而襟帶之固也秦屬北地郡漢及晉俱屬安定郡唐改固原州至德中陷于吐蕃宋咸平建鎮戎軍元立開城路咸平府尋降爲州國初府與州俱廢成化五年用守臣議設固原衛弘治十五年復置州中建兵備而以按察司副使領之三十年于斯代者籍籍寢不可考嘉靖二年成君質夫來攝其官乃哀各姓氏視次第勒于石而昭之爰命書其上方予攬轡馮軼周遊天府竊有

以覲其形勢矣。寧夏環靈武之境，延綏引朔方之坵。甘涼結湟州之壘，共阻三面。以扼南牧之虜。而元戎甲士，利劒勁鍛，罔不聚焉。然延袤不啻數千餘里。山川糾繆而迤邐焉。烽火不接。聲勢斯携。固原居中而執其樞。左顧則赴援綏靈。右顧則迎應甘涼。擊常山之蛇。以合左右之節。逐中野之鹿。以成犄角之形。固原實有焉。今夫山豺狼所噪。狐狸所遊。境日駭也。虎豹憑其嶠而踞之。以張其爪牙。則百獸影滅。卽採藜藿者不至矣。是故奮直諫之節者。寢淮南之誅。尚全

勝之道者。破先零之計。君子居朝廷則朝廷重。居邊鄙則邊鄙重。猶夫虎豹之在山也。固原之險。山之嶠也。兵備實司其鈴轄。而四夷之守在焉。干城之托畀焉。其可不隱然爲虎豹也乎。人皆曰險在地而不在人。重在人而不在地。斯固也。抑人重則地得其險。而金湯足恃。不重則地失其險。天塹劔閣。非我有矣。夫險亦在人乎。是故不可忽也。然姓氏旣在。得失斯形。由是重邪。石昭昭然。由是眇諸躬而已焉。石亦昭昭然。而君子欲不重。不可得已。

皇明經世文編卷之一百九十

華亭

徐孚遠閣公 陳子龍臥子

選輯

宋徵璧尚木

夏允彞瑗公

彭 賓燕又參閱

毛給諫文集

疏

毛 憲

流賊奔江南劾江淮鎮巡大臣疏

流賊

臣竊惟流賊劉七等縱橫北直隸山東地方所在殘破荷蒙 皇上神謀睿算命將出師已勦滅大半矣

而渠魁尚未授首。自山東奔河南。復奔湖廣。雖逃生倖苟活於旬時。尚蓄惡欲。發憤於間隙。沿江上下。尤宜戒嚴。而其責任。則固在巡江文武之大臣也。初。照南京都察院僉都御史陳世良。武靖伯趙弘澤。專管操江一事。上自九江。下抵蘇松。俱該保衛地方。一聞有警。正當運謀設策。折衝禦侮。號令所屬。各嚴屯戍。隄防要害。阻絕奔衝。廣爲哨諜。以覘賊之蹤跡。多設疑兵。以惑賊之耳目。南北港岸。潛伏奇兵。以制不虞。然後率操江船軍。建大將旗鼓。橫亘江面。鼓行而進。

相機勦殺。使賊聞風破膽。不敢東奔。固其職也。顧乃畏縮不前。束手無策。賊自武昌而下。過黃州。越九江。踰安慶。所在戍守。望風奔潰。放火劫掠。人心驚惶。直抵南京。報賊至和尚港。而漫不之省。灣石泊河。而若罔聞知。臣不知世良弘澤所受者何任。所爲者何事。竟不能畫一策。遣一軍。以遏賊鋒。縱其順流東下。破順流而勢已大。屬若得舟師邀擊。自可立殲。而惜儀真。破瓜州。燒劫丹徒。鎮周家橋。孟瀆河等處。幸而手其無備也鎮江府衛官軍追趕對敵。而援兵不至。卒爲敗北。此誰之咎耶。臣訪得陳世良爲人寬柔有餘。剛果不足。

以之撫民臨治則有餘以之出奇制勝則不足而趙
弘澤則又傲然氣習素甘驕惰之爲塊爾形骸徒負
魁梧之質軍空列伍而器皆虛飾名雖操江而月不
再三以斯人而當斯任猶以蚊負山其不能振威禦
寇宜矣况東南南朝廷根本之地帝王陵寢具存蘇
松國家賦稅之區漕運仰給尤不可不加之意者
即今北直隸山東河南四川江西已經盜賊地方歲
課悉蒙蠲免雖有山西陝西所出畱供邊餉所餘無
幾國家所賴者尚幸江南安堵以奠南服糧運頻

地方情勢極厚

武宗時處殘荒

仍以資國用。茲復爲賊流劫，則人皆驚走，財被擄掠，田地荒蕪，秋成無望。根本有震驚之患，賦稅有不繼之憂，將何以給軍國之需哉？臣竊痛之，揆厥所由，賊自邳州竊渡南奔，寔緣淮揚都御史張縉失律縱賊之過也。臣訪得張縉猥以貪婪無耻之小人，叨居風憲，旬宣之大位，施爲乖戾，軍民怨嗟，親在邳州，任賊攻圍，下令不許輕發一矢，違者有罰，燒劫三日解去，賊不數里，陷入沙洲，軍皆奮勇欲往，而彼又固不發遣，此其心欲何爲哉？至今百姓唾罵不已，則縉縱賊

皇明經世編

毛給諫集

流賊

三

平露堂

三六九

之罪當不在陳世良之下然非獨縉之罪究其禍源

官軍賣賊之弊一

寔始于都指揮桑玉懷利私賊之過也臣嘗論之已

經多官議奏節奉聖旨依律監着欽此是雖緩一

時之罰終當加不宥之刑尚復何言臣又謂畏縮退

避之罪與對敵損軍之罪同一失機也而退避尤爲

可惡蓋對敵或衆寡不均猶有可委至論退避則任

賊所之惟恐相值計一身之無虞不計百姓之有害

計一家之免禍不計一國之遺憂其罪豈不尤重如

近者賊散臨江而

賊東下之時使武昌出兵挫之黃州出兵挫之九江

安慶本齊歷舟豈知以。及至南京又大出兵挫之。則殘

敗之餘。其不禡魄而就擒者幾希。惟其更相退縮。賊

衆橫行。氣。燄。益。張。遂臻茲禍。此其故何也。退。避。未。嘗。

得。罪。而。對。敵。或。反。招。尤。如。前。日。霸。州。等。處。將。臣。楊。義。

等。率。衆。禦。賊。迂。迴。逗。遛。皆。得。從。輕。寬。貸。此。諸。將。所。以。

效。尤。而。無。忌。憚。也。繼。今。不。治。豈。惟。一。時。之。患。而。已。哉。

臣竊憂之。伏望 皇上軫念根本重地。賦稅要區。大

振國威。奮行天罰。卽將各官拏問。如律。悉賜罷黜。以

爲大臣失事之戒。速勅該部別選賢能以充其任。仍

行撫按等官速查沿江兵備守備各該官員問擬退避重罪以爲觀望效尤之戒併乞降詔責令各處總制等官今後如遇盜賊經過將官不行對敵以致失事卽坐以失機之律則國法振揚而根本以固天威昭布而人心知警盜賊殄滅有期矣

陳言邊事疏

邊事

臣伏聞宣府達賊猖獗將臣失利警報朝至詔旨夕出荷蒙皇上神謀睿算命將出師固萬萬無虞矣而臣猶私憂過計者誠以今日北虜之深入其志叵

測不可不預爲之防也、臣請略陳之、切照宣府一帶地方、密邇京師、號稱重鎮、蠢爾醜虜、輒敢跳梁、發掘我邊牆、殺擄我士女、劫掠我財物、其勢益熾矣、頃因邊臣寡謀、軍令不肅、倉卒一敗、而倪鎮、黃寧等爲之捐軀、未幾再敗、而張勳、田琦等爲之隕首、當時士卒喪亡、又不知幾千百而已、人心驚皇、遠近震駭、倒懸之急、莫有甚于此者、今巡按御史朱昂、于鑿等官、又相繼奏至、告急矣、不曰達賊連營四五十里、則曰約有二三十萬、不曰深入廣昌地方、則曰要搶懷來

等處其勢較前益張觀其志向豈止搶掠而已哉倏
去忽來軍民荼毒援之當如救焚拯溺邊方重鎮豈
堪再敗耶臣竊憂之伏望特勅該部早爲計處督促
諸將嚴整師旅雲布諸關及抵宣府地方駐大軍於
近地以爲前軍聲援列諸軍於要衝以壯邊軍氣勢
彼此合謀隨機應變可戰則戰可守則守戰則必設
伏出奇如李靖之破突厥襲其不備使入吾算而不
自知守則必深溝高壘如李牧之守代盜入收保使
無所掠而自困敝然觀古人論禦戎之道守備爲本

不以攻戰爲先。今彼旣入我藩籬矣。當以守爲經。以戰爲權。仍乞統勅總制提督等官會同撫按等官謀爲措置。相機籌度。某處爲總會。某處爲要害。某處當如何而守。某處當如何而備。某人可用爲先鋒。雖拔自行伍不恤也。某人可用爲大將軍。起自偏裨。不論也。某處兵數不足。則速行召募之策。以邊人而攻邊寇。必慣戰而耐苦也。何者可以潛兵而設伏。何者可以出奇而決勝。虜若深入。當於何所而扼其歸。虜若將遁。當於何所而邀其路。號令嚴明。申逗遛失機之

律賞罰信必重冒功悞事之戒乘機觀釁動在萬全
不宜輕舉妄動僥倖邀功以重失利以遺患于四方
也臣又聞邊方有警羣邪之幸也軍旅旣興姦人之
利也計今山東河南之遺孽江西四川之餘黨雖云

自古道之

外患足以生內變

勦平而種類未盡或面聽招撫而心未革化或身潛
草莽而志欲爲非一聞有警未必不萌生望之念譬
如養鷹勉強條籠每聞風颺之起輒有飛凌之志寧
可不先爲之慮乎重以南北地方軍旅之後水旱相
仍流離載道悲號四徹而有司方且徵求不已百姓

益困萬一不逞之徒攘臂其間民易從賊俟其發覺而後捕之所損多矣况今各處武事雖云稍備而軍士苦于科索將領肆于貪求如郭勛之在兩廣者不少也軍不聊生怨聲交作尚望其出死力以衛地方乎夫當此虜勢張之時設復內患乘之則撐東支西四顧不暇雖有智者無以善其後矣若不早爲區處何以防遏將來伏望勅下該部計議轉行各處總兵兵備到官愛養軍士操練策勵先事豫防使盜畏威而不敢竊發仍行撫按府縣等官愛養百姓量恤飢

貧痛絕誅求。使民懷惠而不忍從盜。其有剝削軍士之將領。誅求百姓之有司。聽巡按御史糾劾。拏問以勵其餘。庶盜賊不至乘釁而地方可保無虞矣。臣又聞京師乃天下根本。四方之觀望繫焉。夷狄之叛服繫焉。雖平居無事。亦不可不爲之慮。况有事之時乎。我國家建都。既有重關鉅鎮之險。又有金城湯池之固。貔貅萬旅。虎豹九關。神靈護佑。宜無足慮者。然明者見患于未萌。智者備患於無事。自京師抵宣府。不過三百里。我之所以控而制之者。固重而要。彼之

所以來而侵之者。亦速而近。蜂蠆有毒。古人善喻。所以思患而豫防者。尤宜倍加意焉。要亦不出將與兵也。議者咸謂京軍怯弱難用。臣請有以折之。韓信驅市人與戰。不終朝而破趙。岳飛軍不習水戰。不八日而破水寇楊么。豈其性然哉。顧將帥得人如何爾。然操練之法。振作之方。則不可不熟講也。李抱真集練步卒。遂雄諸鎮。种世衡教民習射。青澗皆兵。豈非操練之有法。振作之有方乎。天下之兵。宜莫强于京師。

先是議者以邊兵入衛京師而以京衛軍充戍

京師之兵。宜莫精於團營。而團營之兵。較之邊軍。猶

逸每歲春秋香樂如莊勝此甚失居重聚斂之道

有間者何也。意者操練之法未得其實。振作之方未

幸文正曾學之而不可得練京兵之論亦從此發

得其要歟。抑將領之未得人歟。今之坐營侯伯等官。

手

多統綺膏粱。恐未足以當任用。臣愚欲於諸營推舉

大將二員以總統之。必謀勇兼全。足以運籌決勝。而

不泥於世爵。再舉副將十二員以分領之。必勲望素

著。足以折衝禦侮。而不拘于常調。其餘指揮千總等

官。亦慎選以充之。諸軍老弱。急挑去之。軍不足數。急

選補之。嚴差撥之禁。重買閒之罰。使各自相操習。申

嚴紀律以倡率之。自相策勵。薄示賞罰以激勸之。無

事則將爲坐營。軍列行伍有警則內遣一將拔營而行。所謂兵識將意不必臨事而後選將也。將識士情不必臨時而後擇士也。兵將自足爲用不必更倚邊軍也。居重馭輕似無要於此者。伏望再勅該部斟酌損益早爲議處。將兵之要使貔貅雄于天下。風聲震於四夷。不但今日之急務而已。更乘此時城垣之坍塌者益加修築。門禁之疎闊者益加嚴密。諸關鎮隘益加謹守。四郊巡邏益加申飭。近甸週迴三四百里如永平等處兵備益加戒嚴。庶軍威大振。足以備禍。

患於未形、國勢益尊、足以固根本于無事、以保宗社億萬年無疆之休、豈特天下之幸而已哉、

言備邊患事

備邊

近聞陝西地方虜寇深入、殺掠慘酷、人心驚惶、該兵部題奉欽依通行府部科道等衙門悉聽各陳禦虜長策、中外臣僚已皆條上、亦云備矣、臣誠愚昧、復敢申明事宜上陳、以備採擇、嘗觀前代禦戎長策、不出陸贄所謂設險以固軍、訓師以待寇、來則薄伐以遏其深入、去則攘斥以戒於遠追之四言者、總其大端、

不過戰守二策。其要在得人而已。夫得人則長策可行而積習之弊。又不可不痛革以爲之地也。臣嘗竊論天下之弊不一。而其大者則因循廢事。姑息不斷。凡事皆然而軍中尤甚。軍旅之弊不一。而其大者則冒功倖賞。失事脫罪。內外皆然而邊方尤甚。此弊不除。雖有長策。亦虛應故事而已。伏望 皇上特勅兵部酌羣策之可否。立一定之規模。毋徇近見而不爲遠圖。毋襲前弊而不爲後計。以重遺患也。昔宋儒朱熹有曰。聖王制御夷狄之道。其本不在乎威強而在

乎德業其備不在乎邊境而在乎朝廷其具不在乎
兵食而在乎紀綱臣嘗反覆斯言言雖婉而實切事
若迂而可行豈非今日治戎之上策乎更乞 聖明
留意兼採羣策早賜施行邊圉幸甚生民幸甚開坐
謹題請 旨

討開

一設經略夫寇深入固由邊備之不修亦由用人之
不一舊設總制巡撫鎮守總兵等官以控制邊方其
經畫不可謂不周矣第位重則事機易忽權分則心

志不專近來邊備漸弛虜寇無忌意者其由是乎若不預爲經略誠恐邊患日深後難捍禦今者給事中徐之鸞首建此議不爲無見臣愚亦竊願推選異材三四員量加憲職每歲夏間領勅分投遼東宣大延綏寧夏甘肅平涼等處巡視經略至明年交春始還凡將領糧儲營壘戍兵墩臺等類一應防邊事宜悉聽區畫條上其有緊急事情許以便宜行事歸奏之日更下本兵大臣會同六卿以下詳議熟處見之施行歲以爲常乞勅兵部議處倘有可採會舉五品上

下京堂及科道部屬等官必才識優長事體練達者超擢以行則位不甚高而肯任事權無所分而能成功矣

一慎戰守禦虜之策非戰無以威敵非守無以遏寇戰則必設伏出奇以擣其虛守則必深溝高壘以挫其銳虜深入則據其要衝虜將遁則扼其歸路若是大舉入寇必須列營要害多張旗幟廣設疑兵增竈先聲懾其心志務使烽火相連聲勢相接賊少至我則掩其不備以擊之賊衆至我則堅壁清野以守之

虜雖强悍，豈敢越我營陣而深入乎？今日戰守失利，其弊有六：一曰主將不一，二曰要害失守，三曰兵無奇正，四曰不相應援，五曰兵分勢弱，六曰功罪不明。六弊之中，又在將得其人而已。臣竊謂選舉邊將，不宜泥于常調，必生長邊方，練達邊務，賢能素著者，方堪任用。乞勅巡邊憲臣會合總兵以下，或於偏裨，或於行伍，各舉所知，明著其能。某人智略絕倫，騎射超衆，某人氣節卓越，勇力出羣，及有戰功者，亦各開列奏行。兵部遇有員缺，自大將副叅而下推舉之日，仍

共六頁五

今未嘗不如此，但恐所報

要開列賢能功次量材補用必能恩威兼著料敵設奇相機戰守不襲前弊而制勝有道矣

一屯要害切聞先年塞外蹊徑狹隘林木茂盛足以限虜騎之馳突沿邊石牆堅固隘口嚴密足以絕虜心之覬覦近來或潛通樵牧或公行採伐遂使林木蹊徑蕩然空闕而牆隘墩臺又多坍塌任事官吏因循苟且假以勞民不行修備虜寇一來徑入剽掠殺擄人畜動經數萬至煩出師又費以萬計較之勞民果孰利而孰害哉此要害之處誠不可以不修也臣

又計備邊之地東自遼東西極隴右大約數千餘里。宣德以前所守不過數處皆據其要害軍聚力全足以制勝正統以後軍卒之數不增于舊而寨堡之設日增于前古人所謂我兵雖多分之而寡彼衆雖寡聚之爲多者是也夫軍分則勢孤勢孤則氣怯軍聚則勢盛勢盛則氣壯不必交鋒而勝敗之形具矣此要害之兵誠不可以不聚也。乞勅巡兵憲臣督率將領以下親臨邊境相度可否凡邊牆隘口蹊徑林木墩堡之類嚴禁樵採重治私通坍塌者築之疎闊者

塞之可增者增之。可併者併之。於日力相及處立爲一墩。屯數十人以備瞭報。於衆墩要害處立爲一堡。屯加數倍。主一驍勇頭目使統附近諸墩。更于大要害處屯一重兵。主一將領使統諸堡。聲勢聯絡。互相應援。庶我軍分者緩急有救。而不至勢孤氣怯。聚者彼此相應。而常若勢盛氣壯。邊防嚴備。自無他虞。且今陝西虜寇之深入。非以黃河套之失險乎。吾之守鎮。乃有在河套之外者。風寒河凍。彼常潛渡。屯結其中。以擾內地。誠爲可慮。更乞勅下兵部會議轉行鎮

巡等官審視可否。圖陳方略。濱河南北。或築城池。以爲鎮遏。或據要害。以爲扼塞。或設營堡。以防涇渡。計出萬全。保無他弊。然後行之。庶一勞永逸。而邊備嚴矣。

一募土兵。戍邊之卒。異于內地之兵。內兵不經戰陣。不諳地利。且多驕脆。難用。不若生長邊陲者。諳地利。慣戰鬪。知虜情。耐勞苦。不徒爲國。而且爲家。所以肯捐軀拒敵也。比之內兵。戰守功倍。何必一有警急。遽出內兵哉。臣願沿邊一帶。分定疆界。專責邊將守禦。

果是兵數不足。守禦不敷。合于本地諸色人內廣爲召募。或負才藝。或有勇力。開列等第。編隸籍冊。厚其資糧。以充行伍。似爲得策。況今虜寇深入。以我邊人爲之姦細。爲之鄉導也。若非召募。則反投彼中。以爲之用。亦非善計。今宜多方設法募用。以繫其心。不惟資其拒敵。抑且絕其異志。而軍威盛矣。

一撫軍士。李牧備匈奴。市租皆入幕府。爲士卒費。趙充國禦羌戎。亦日饗軍士。蓋欲得其死力。故推恩義以慰其心爾。夫軍士所資以養者。月糧也。今月糧且

不足。而況于燕賞乎。竊念沿邊軍士。枕戈待旦。朝不謀夕。其勞苦較之內軍百倍。內軍或時得賞賜。而邊軍乃月糧不給。誠爲可憫。臣聞山西潞州等衛。至有六七十月而不給糧者。父母妻子。無所仰賴。方且逃遁之不暇。顧何以責其出死力以禦寇乎。况將領貪婪。雖支糧料。又被剋減。而且科害百般。怨聲交作。不特邊軍爲然。而腹裏等衛亦有此弊。乞勅該部轉行撫按等官。凡官軍月糧未給者。多方措置。以時關給。每月巡按御史坐委的當文職官員分投放支。具呈

年終類奏仍嚴禁約不許尅減科害更於月糧之外

是時海內凶年今則燕食事絕矣

或時加賞賚燕犒是亦感人心作士氣之一事也且沿邊守墩瞭報及夜不收等軍晝夜不休常被殺死勞苦萬狀衣糧犒賞尤宜加厚陣亡官軍孤兒寡婦尤爲可憫仍須倍加優給則生者激勵軍前死者感恩地下而軍心固矣

一嚴勸懲夫賞罰者勸懲之具也賞不當功則無功者或得濫及非惟不足勸而且人心怠矣罰不當罪則有罪者或得倖免非惟不足懲而且人心縱矣豈

行師之要哉。我祖宗賞罰成憲具在，可謂嚴密。近

來似失濫及僥免之事，如陝西失事重大，據法不宜

寬貸也，而總制等官乃容規避，罰似輕矣。薊州一路

修築城堡，論功未爲殊勞也，而鎮巡等官輒蒙陞賞，

賞似濫矣。至于沿邊將士，捨命立功，而富豪從征之

將士之功尤爲軍中積弊

徒乃以貨賄奪而有之，真僞莫辨。例蒙陞遷，則人皆

曰彼以冒功受賞，我何爲出死力斬賊首以資之乎。

虜寇入境，有一堡受敵，而隣堡不行救援者，有一哨

受敵，而左右不行策應者，及至勘問，受敵失事者得

罪而擁兵自衛者獲免。則人皆曰彼以逗遛免罪。我何爲輕性命犯賊鋒以援之乎。賞罰失當。類多此弊。以致人心懈怠。軍功不立。職此之由。何以爲勸懲哉。乞勅兵部查照律例嚴立條格。能立顯功者。賞必加而無濫。曾經失事者。罰必及而不私。仍行將官不許多帶從征及詭名冒功者。通行查革。虜一入寇。必察其何路而入。何路而出。所經地方。其分守等官。有能率衆奮勇對敵者。雖獲少利。亦當宥罪而錄其功。擁衆不行救援者。雖宿有功。亦當深究而治其罪。庶勤

懲嚴而人心勵矣。

一重出師。夫我祖宗設立沿邊兵卒。大約踰數十萬。苟撫御有方。操練有法。自足守禦。自後虜間爲患。朝廷命將出師。蓋爲邊兵聲援。而將官亦亟出救應。未嘗延緩悞事。近來邊臣不量輕重。一遇虜入。輒便虛張聲勢。謀脫已罪。急入請兵。閉門束手。不復爲計矣。及兵部奏遣將官。方且乞旗牌。乞從征。乞軍卒等項。故意延遲旬月。豈能救彼緩急。而去年宜大有警。嘗出師矣。竟不見虜而還。今年薊州有警。又出師矣。

亦將無功而返。近日陝西虜患重大。復入請兵。至厯聖慮。又命總兵張洪等出師。正欲急攘之也。而將官

仍襲前弊。逡巡踰月。始得起行。及登途次。更須月餘。

令主兵不練而恃幾於數千里外自費之過也

計將三月。方到彼地。虜人得利去已遠矣。我師糜費

鉅萬。曠日持久。勢必掣回。班師之後。虜或復來。是虜

常逸而我常勞。虜常得利而我常失利。非計之得者

也。乞勅兵部斟酌輕重。轉行鎮巡等官。責成沿邊將

士。今後遇有虜寇。務要嚴飭邊備。分守要害。互相救

援。隨即各具輕重寔迹。星馳奏報。以候聖裁。不許

虛張賊勢。輕謀陳請。果是大舉入寇。兵力不支。方許請兵。命下之日。嚴立限程。督促將官啓行。其有未備事件。舖馬齎送。兵到彼地。駐劄近邊。以爲聲援。以圖攘禦。其或逗遛坐失。事機嚴加重罪。亦不許邀功生事。庶兵將重而威不襲矣。

一撫疲民。竊聞陝西地方。被虜殺掠。老幼流離。哭聲四徹。暴骨郊原。瘡痍可憫。重以荒旱相繼。黍穀不登。百姓愁苦。盜賊充斥。若不早事綏懷。誠恐致生他變。况大軍一臨。未免騷擾。臣聞民之畏軍。甚于畏虜。蓋

虜之劫掠有時。而軍之擾害無已。兼以有司乘勢科征。重爲民患。臣恐西顧之憂不在外虜而在內盜也。乞勅該部轉行撫按等官。勤加撫恤以固人心。量行安輯以救民患。嚴飭有司。毋事刻剝。違者聽巡按御史劾奏治罪。庶民心固而地方安矣。

言庫藏積弊疏

庫藏積弊

臣近該夏季巡視十庫查訪事端。不敢緘默。竊惟天下錢糧。盡出百姓脂膏。一絲一粒。萬千辛苦。而任事人員。略不少惜。况今天下民窮財盡。征輸浩繁。苟非

稍加處置則流弊益滋、百姓益困、錢糧益難完納、其患有不可勝言者、臣不知數年之後、又當何如也、宋儒邵雍有曰、能寬一分、則民受一分之賜、臣常誦之以爲至論、竊私過論、上濟宸聰、伏望 皇上畱神省覽、勅下該部從長議處、俯賜施行、天下幸甚、未敢擅便、開坐謹題請 旨

計開

一嚴督輸運、竊照各處錢糧、輸運有期、違限有法、固至密也、但近來官民、視爲泛常、往往過期、動經數年、

蓋由狡猾之徒謀充解戶或支價銀而侵尅肥家或

繫今則解矣

開物料而貿易生利催科竭力於小民欺匿利歸于私室及該部勘合督併上解又多輕齎至京買辦不敷復謀寄庫潛行逃回積歲累月竟不完結上司文移拘促至有花費已盡而復累及貧民賠納者上妨經費下蠹困窮其罪可勝言哉臣愚以爲宜令該部申明法例轉行各司府縣今後務僉殷實大戶點解之日依期嚴促仍差在官有職人員押解完納毋得縱容延捱利已害人其或過期年遠悉照律例送問

併罪原經官吏及有原批本色而復齎價聽憑攬頭包辦者罪亦如之寄庫錢糧亦必單物相隨方許照進庶無欺延之弊

一詳審驗封臣查永樂十年事例令在京在外一應錢糧務委官看驗堪中實數起解合于上司解部蓋慮姦猾作弊那移抵易不堪上納故也切爲各色錢糧悉有定式不中程度責有所歸近來各處解納多不如法該部驗收類皆揀退出入之際吏緣爲姦而解戶守候補數弊端百出此皆上下交通驗封疎略

之過也。臣愚以爲該部合行各司府縣遇有前項錢糧督催完日務須專委一官照依歷年事例如法勘驗鈐印封記方許解部如不中度退多畱少卽將原委官員類行巡按御史提問庶無怠玩之弊。

一乘公撥解各處折糧布絹等項除糧長起運外其餘坐派雜色解戶多從均徭編審有上中下三等例照丁田先納徭銀有差以俟後日之撥解量錢糧之多寡與運納之難易因事而爲差等蓋防營謀之弊故爲此法夫何審之多公而役之多私一遇撥解上

等者率相交通曲爲隱護其所撥者不量多寡難易

不拾其稿之弊

類皆中下二等既已欠公而先納徭銀又不全給至

使解戶復出一倍以供費用及領解之時原額價少

官吏扣索之弊

賠補數多在官有積出之各色該吏有常例之扣除

未離鄉井而十分已去一二矣兼之在途盤費艱難

至京使用浩大加以分外索騙如之何不困且乏哉

臣愚以爲該部宜移文責成府縣每歲斟酌該解錢

糧分上中下三等立爲定則亦量撥上中下三等解

戶解之務秉公心毋致偏徇掩蔽上等以役其次其

先納徭銀、并原額料價、盡行給付、買辦起運、嚴禁積出等項宿弊、設若仍前任意低昂、以損百姓、聽撫按官訪實叅奏治罪、庶無偏累之弊。

一照舊驗看、竊惟遠郡百姓、解運到部、彼豈素諳皇城內府之嚴遠哉、驟抵各門、方且心驚目眩、而官吏又徒需索滿意、纔許出入、及進庫中、弊復如前、深爲未便、臣查得大明會典、開稱景泰元年戶部奏准各處解京布鈔等項、先從本部看驗、堪中方許送庫交納。成化二十三年奏准各處解到錢鈔絹疋、本部該

司棟驗堪中之數。該庫不許重複看驗。乃踰留難弘。

則外廷以嚴刻中內官之旨。故解戶有走司甚。

治十四年令各處解納折糧布疋赴部。該部委官于

於北司之憂尤士大夫之取也。

本衙門驗中。送赴該庫。并巡視科道官及本部委官

收受。不必再棟。是誠便益小民之良法也。宜令該部

再申前議。斟酌可否。遵照歷年舊制。凡遇布絹錢鈔

等項到部。該司驗看中式。方許送庫。隨行知會委官

及巡視官。卽與照數監收。不必重複棟退。庶無留難

之弊。

一禁革姦偽各處錢糧。皆小民膏血。備歷辛苦。運到

京師多遭鄉里攬頭同謀誘騙財一人手計輒延避

衙門積案當除

遂致解戶揭債破家戶丁刑併淹禁頻年累死深爲可憫豈無自哉蓋由積年庫夫鋪戶人等通同攬頭假立名色勒指財物以此攬頭人等遞年誑攬無所禁忌及至事破官司又不深究弊源或遂從輕寬貸故兜攬者姦計愈肆而不憚圖利者貪心益縱而無虞彼豈思小民膏血辛苦難得者哉既往者固難追究將來者亦當禁戒乞勅戶部申明禁例轉行各該緝事及問刑衙門務要多方訪獲積年誑騙攬頭夫

戶通同受財人等。事發追究根由。從重問擬。庶無姦騙之弊。

一立簿稽考。舊例巡視科道官承接之際。止有科收道收一簿。惟開已收數目。其該部送到各項錢糧。及解戶姓名。別無文案可查。遂致攬頭通同該吏。一遇送到割付長單。輒謀收匿。解戶只得曲從包納。月延歲捱。莫敢誰何。及巡視官查考。或詐稱割付未到。或推說長單未有。互相支吾。解戶吞聲。或守候半年一年。類多棄批逃回。此弊沿襲已久。臣愚以爲宜令該

部每庫置立文簿一扇。用印鈐記。發與各庫官吏收掌。凡遇送到解戶錢糧。逐日依次填寫鄉貫姓名數目。寓止歇家明白。每五日送巡視官處稽考。挨收以防欺弊。每半月各司仍具手本。逐日如前備開送庫解戶姓名錢糧數目。亦送巡視官處據依查對。以防欺匿。如有拖延隱避。踪跡可尋。庶無欺隱之弊。

一查寬逃亡。臣近查各庫未完錢糧。開報遠年寄庫。至有弘治以前。尚未完結者。或因攬頭騙銀。而陷害致死。或因上納不敷。而棄批逃回。歲月積久。多半朽

壞。上無補於朝廷。下無益於百姓。寧可不思通融之法乎。乞勅該部議處。轉行委官。及巡視科道官查看各庫。自正德九年正月以前解戶棄批逃回寄庫錢糧。盡行稱收。除足數外。其有未足者。備開數目呈部。轉行各司府縣拘提解戶。追完押解到京補納。如果逃亡死絕。家產變盡。遵照赦宥恩例蠲免。中間或有一年久泥爛朽壞。似應從寬折收。作數支銷。若解戶指稱攬頭誑騙。亦要解京對證明白。拘拏原騙之人。名下追補。庶無偏滯之弊。

一量減冗員。臣聞官多民擾。自古爲然。祖宗設官。各有定制。弘治已前。各庫官有定員。事無怠廢。近來錢糧之數。不加于前。而官員之設。日增于舊。歲復一歲。寧有紀極。夫增一官。則增一用度。欲其不擾民。可得乎。臣查正德六年十二月。戶部具題節奉聖旨。各倉各門各庫官員。已累有旨禁約。全不遵守。今復添設多餘官員。不必一一頂補。如有夤緣投託的着。司禮監奏來處治。欽此。臣嘗捧誦竊歎聖明率由舊章。愛惜百姓之美意也。今日之增加。毋乃一時之特

恩歟。然官增于上，民擾于下。理勢自然，法莫能禁。伏惟皇上監祖宗之成憲，憫百姓之艱難，特勅該衙門再申前議，查照成化弘治年間事例。如果官多量行裁減，或遵奉明旨，不必頂補，庶無煩擾之弊。

陳言邊患疏

邊患

邇者北虜深入宣府，搶擄殺掠民物一空。荷蒙皇上命將出師，大臣運謀設策，固將聞風震懾矣。但今日虜患變詐多端，往年深入宣府，深入大同，去年深入陝西，今年深入宣府，其害尤甚。而朵顏等衛降虜

亦屢跳梁。遼東失事未幾而警報又至矣。疲敝我邊疆。耗散我財物。軍民重困。歲無寧居。而且我兵屢挫。未聞有出奇制勝以懾其心者。安知二虜不輕視中國。糾結合謀以共肆其毒耶。有如虜騎長驅。何以禦之。今日戰守失利。其弊有六。一曰主將不一。二曰要害失守。三曰兵無奇正。四曰不相應援。五曰兵分勢弱。六曰功罪不明。而其弊源又在因循廢事。姑息不斷。此今日防邊之大患也。臣嘗論之。而蕪辭淺見。不能少裨睿謨之萬一。誠恐失今不議。將來之患。殆有

不可言者伏望 皇上勅下該部多方計處毋徇目前之見而不爲久遠之圖毋誘一時一事之失而不爲千百年之計智必周悉謀必萬全可也然任事之不專信之不篤行之不決則雖蕭曹韓白終亦莫能成功況邊隅有警兵機迅速俯仰成敗呼吸變更若非勇決斷制取敗之道也故奏事司馬門三日而軍中解體機事遙制而陸贄謂爲備邊之失豈非前事之明驗歟更乞朝廷在內以運籌設策付之本兵大臣在外以戰守機權付之總制總兵文武大臣其有

兵機方略上請。奏疏一進。詔旨隨出。庶事無留滯。而成功可必矣。謹將愚見十二事宜。開坐上陳請。旨

計開

一預備軍馬。臣聞各營大約見軍八萬有奇。馬不滿萬匹。當此緊急之際。而數止於是。若非權宜措置。何以爲戰守之資哉。以軍言之。合令兵部查弔戶部食糧軍冊。暫借各衛軍匠。照名送營操練。以備防禦。其下班操軍。兵部已行奏准。暫畱聽用。但各軍離家日久。衣鞋不給。宜量加賞賜。以安其心。仍行各原衛官

司按月支糧以安其室家庶不逃避其再不足合行召募在京各衛餘丁補數暫行操練照依正軍給與衣糧盔甲等件以備防守以馬言之近該太僕寺奏准量地追補及上納等項其意甚善但恐一時遽難應急今宜再行馬上齎文催督原差買馬官員作急陸續解送或行文山東等處有馬地方調來以備急用庶軍馬緩急有備

二防禦衝突胡虜長技正在騎兵驟馬馳突卒難捍禦臣嘗考晉馬隆擊鮮卑作偏廂車地廣則爲鹿角

車營路狹則爲木屋施於車上。宋吳璘立疊陣法。每陣以拒馬爲限。鐵鈎相連。劉錡與兀朮戰。以拒馬木障之。坐餉戰士。韓世忠與金人戰。令軍士各持長斧。上搯人胸。下斫馬足。楊沂中破金人拐子馬。使萬人持長斧如牆而進。岳飛又令軍士以麻扎刀入陣。皆能取勝。此前代制禦騎兵之法也。宜令兵部下其法。勝世多

於沿邊將士。擇有巧思者。以意消息而爲制度。其禦衝突也。或以偏箱車。或以拒馬木。因時應變。務足以制其馳驟而無弊。其禦騎兵也。或持長斧。或持麻扎

刀。隨宜運用。務足以斃其人馬而不乏。庶虜之長技不足畏矣。

三選任將帥。宋歐陽修告仁宗曰。將相無種。或出於奴僕。或出於軍卒。或出於盜賊。惟不次用之。乃爲名將。夫古今人才。宜無二致。何古多而今寡也。蓋由選之未精。用之未至。故爾。且偏將固在武勇。而大將則在智謀。亦何必拘拘於一途哉。今諸軍中。豈無韓白之儔。特拘於名位。壓於下僚。不能上達爾。宜令文武臣僚各舉所知。遇凡智勇之人。列名上請。下之兵部。

其未用也。試之武舉。較以武藝。以觀其能。問以方略。以觀其謀。其將用也。試之治兵。觀其顏色和易。以知其氣。窺其約束堅明。以知其威。不必限於名位。拘於世胄。隨其智勇而選用之。則名將出矣。然選之固貴于精。任之尤貴於專。必盡駕馭之方。必敦親信之恩。讒間不生。而權力不分。庶戰勝而守固矣。

四振作士氣。蘇軾曰。戰以勇爲主。以氣爲決。天子無皆勇之將。將軍無皆勇之士。故怯者常千百。而勇者纔一二。苟非擇其人而厚待之。以作其勃然之氣。孰

肯盡死力以率衆乎。兩軍相交。勝負未分。而三軍之衆。屬目于一夫之先登。一夫倡之于前。則雖怯者亦勃然而進矣。其機固在振作之有方也。伏乞朝廷凡遇獨能奮勇之將領。宜時降璽書慰勞。優加賞賜。其或建立奇功者。更須不次超擢。至于將官。遇有如此奮勇之偏裨。如此奮勇之軍卒。亦宜厚待之。犒賞之以作其氣。設若怯懦不前。則辱之以巾幘。加之以刑罰。其或退避失機者。悉以軍法從事。仍查上陣被傷官軍。量行陞賞。陣亡之家。厚加優恤。而又鼓之以武。

勇道之以忠義嚴之以節制庶人心感而士氣振賞罰信而成功多矣。

五嚴備薊北東抵薊州潮河川古北口等處西抵山西寧武偏頭等關兵部各令嚴兵防禦固已伐北虜入寇之謀但東北永平一帶單薄而山海關以東卽

今各衛降虜爲患竊料二虜似相通謀合寇倘彼詐

是將大虜在西故恐其詐入東西而突入

分游騎牽制潮河川古北口等處我必悉兵捍禦而

於東今奴在東恐其聲言入東而重防在西

大勢或潛行迤東連搆分兵突入以繞我遵化城黃花鎮之後則人心驚懼欲徹兵南禦又恐分騎尾擊

而永平左右地方。必受荼毒。飛騎突來。京師且亦震動。合再勅下鎮巡等官。凡名要害。益嚴防守。往來提督。毋被牽制於西。而怠忽於東。仍令永平等處。益加謹備。或永平黃花鎮中間。分兵立營。增竈先聲。號千作萬。耀兵振武。外可以策應邊方。內可以護衛京城。而人心固矣。

六議處遼東。竊惟遼東僻居一隅。士馬素號精強。足以捍虜。近來軍政漸廢。將官剝削。意銷氣沮。遂爾困敝。况各衛降虜隣逼。受國厚恩。爲我藩籬。乃敢屢肆

侵掠未聞聲罪詰責彼志日驕我軍日困以驕虜而
遇疲軍勝敗可知矣更曰北虜深入宣府掣調精兵
前來地方虛弱計虜必有所因輒復乘機入寇殺掠
之慘略與宣府相當今宜痛治鎮巡等官責令嚴兵
固守急促調來軍士復還隄備此後不宜輕動以蹈
顧此失彼之患仍令通事人員詰問此虜寇叛原由
薄示聲問之意以張國威大抵以守爲主以戰爲權
若復因循姑息非計之得也

七蓄積芻糧兵法曰興師十萬日費千金是蓄積不

可不豫也。臣聞沿邊一帶，罕有一年之儲，深爲可慮。計今除常運糧料及年例銀外，又有中鹽納粟納草納馬等類，皆權宜設法以充邊用也。近來輪邊糧料多爲姦豪包納，百計遲延，中鹽等利亦爲勢家所侵，類皆虛糜，何以爲蓄積之充哉？宜令該部議處查照成化年間事例，今後各處撥運邊方糧料，徑至管糧官處輪納，痛革姦弊，仍行撫巡等官，遇有上納前項錢糧，嚴加禁約，不許包攬以塞貨泉，量爲通融以通貨殖。此外如納級贖罪等類，凡可備蓄積者，多方設

法趣時收積以裕經費

八輩衛京城昔宋元吳跳梁范仲淹請修京城外城

當時雖余靖輩亦以為非及至末世果如所議宋人

都汴去邊境稍遠尚為此慮我國家都燕去邊境

甚近其可不預防乎已已之變虜騎直犯京師居民

驚動已然之驗也雖金城湯池屹然如山而九門之

外略無捍蔽少有變故民必驚疑我太祖都南京

外築土城以衛內城為是故耳請如南京故事關廂

之外漸築土城包圍居民庶人心有倚更乘此時各

門人烟盡頭。命將各立一營。操練士卒。多張旗幟。以揚威武。聲勢連絡。護守百姓。以破敵謀。則先聲遠振。而虜不敢窺伺矣。

九密行間諜。今日之猴兒李。卽昔年之喜寧。小田兎也。已巳之變。喜寧降虜。遂爲鄉導。嗾其長驅直薄京城。小田兒又爲畫計。以絕臨清糧道。比得少保于謙設策。密授將官。擒殺二人。虜遂寧息。竊料猴兒李爲虜人謀主。豈無薄京城截糧道之圖乎。臣謂此人不除。則虜患未已。今宜密令軍中。因其姦細。巧行反間。

如陳平之間范增而項羽生疑。如岳飛之間劉豫而兀木啓釁。惟當陰謀暗謀以離其黨。不宜泄露以基怨禍。若處置有方。則虜人未必不相疑貳。而此人亦可計致。邊患亦可少紓矣。

十撫恤邊方。近聞宣府被虜殺掠慘酷。十室九空。至凡鍋釜等類。盡行毀碎。遼東之害亦復如之。蓋欲困我邊方。其爲計亦深矣。當此困苦之際。若非安輯。寧不相率從盜乎。況今沿邊一帶地方。荒旱相仍。穀粟不登。尤宜救濟。臣又聞虜中多半漢人。此等或因飢

饑困餓。或因官司剝削。或因失事避罪。故投彼中以
離此患。合令該部行文前項地方撫巡等官。查將被
虜劫殺軍民之家。量行撫恤。遇各飢荒去處。量行賑
濟。仍設法招撫前項逃避之人。赦其前罪。倘肯復業
自新。稍加恩惠。以開來者之路。嚴禁統軍官及有司
官。毋事刻剝。事發重治。庶軍民安固。

十一。綏懷百姓。邊方有事。姦邪之幸也。卽今湖廣四
川。江西。貴州。兩廣。番蠻猖獗。屢有警報。北直隸。河南。
山東。荆襄等處。水旱頻仍。餓殍載道。甚而近甸之地。

荒亦如之而霸州文安等處素號桀傲苟乘此時一
萌不逞之念則支持不暇雖有智者莫能善其後矣
此段亦前疏所詳
合行前項有事地方嚴整師旅及早相機平定荒歉
地方加意撫恤務使不至流離庶地方無患

十二慎固藩籬我國家建都啓邇北邊設險尤宜
慎重臣嘗考之自太行西來歷居庸而東極於醫巫
間是第一層之內藩籬也又東起舊大寧界越宣府
大同而西至于保德州之黃河是第二層之外藩籬
也內之藩籬重岡疊嶂固所謂地險矣若外之藩籬

則多有空缺之處。而天然之險。反與虜共之。頻年入寇。率由于此。且沿邊一帶。墩臺守候。有大邊以謹斥候。有小邊以嚴守備。正宜于此斟酌經營。姑俟邊境稍寧。米穀稍賤。人力稍蘇之時。量度大邊墩臺空缺之間。因其崖險。築爲垣墻。以相連綴。輪撥騎兵以爲防護。寬期謹督。以成千百年之功。此非愚臣之迂見也。乃先大學士丘濬著之于書者也。雖非目前之急務。實爲永世之遠圖。乞勅該部議處可否。低昂措置。則藩籬益厚。而邊城益固矣。